

*INDUSTRIA NATURÆ
SUAS OPES ET OPERAS EXPLICANTIS
IN OPERIS FRONTISPICIO.*

Ipsa suis præstans opibus, nil indiga nostri,
Involucro *Natura* sacro Mysteria velat.
Scandere nemo vias poterit, nec pandere plena
Scrinia gazarum, nisi quem Fortuna juvabit
Æquior. Imperio fruitur *Natura* Potenti,
Sceptrigerâ spectata manu, moderatur habenas
In rebus cunctis. Ejus miracula ceruit
Ingenio pollens Medicus, confinia mundi
Solerter spectans. Hic se sociata propago
Aëris ac Ignis, Telluris & Æquoris offert.
Ira quid efficiat *Flammarum* fervida, mota
Vulcani rabie, cœloque simillimus *Aëris*.
Integra *Telluris* moles, circumfluus *Humor*.
Scire decet, nec scire satis: tentare necessum
Corpora, Nature causas librare latentes.
En triplex *Regnum*, cui subdita magna potestas!
O Natura sagax! Animalia gignis & auges,
E gremio terræ splendentia dona Metalli
In varios usus de cornu divite promis,
Quam varias *Plantas* in pulchris exserens agris,
Lætificos florum, Zephyro ridente, colores?
Florea rura micant, velut inter Cynthia stellas.
Verum *Dedalea* penetrare sacraria *Matris*,
Et cœcos aperire sinus, tacitosq; recessus,
Aurificis *Regnum* triplex expendere librâ,
Hoc virtutis opus, Fortunæ nobile munus,
Quali concinnat redolentia *mella labore*
Filia Veris *Apis*, gratissima civis *Hymetti*:
Per varias operas, conamina sedula dextræ
Assequitur Medicus Verum, mendacia vulgi
Sordent: adjutu Sacratæ *Palladis* alta

Culmina concendit, Mysteria gnarus anhelat,
Armis & parmis pugnandum fortiter, hastis,
Ensibus & clypeis in castris *Palladis Alma*.
Etsi Vita brevis, perfectio longior Artis
Hac brevitate caret, constanti forte perennans.
Firmat eam *Ratio & prudentis mentis acumen*.
Et sapit & vigilat, causas examinat omnes
Filius Artificis Naturæ: nulla voluptas,
Deliciæ nullæ ducunt solertia corda,
Est Deus in Medico, furor igneus, enthe' ardor,
Est ibi *Mercurius Genius*, qui subvehit *Alis*
Æthereos animos & *Virgâ* abscondita monstrat.
Nec mora, nec requies: *Hermetis* dona petuntur,
Cœlestes rerum vires & munera Divum,
Cœlum Terra petit, mens Summa tuetur & Ima.
Nescit enim Virtus occulta, sepulta jacere.
Emicat, atque caput super omnia cætera tollit,
Naturæ contemnit opes, gazasq; *Chymie*
Inter vervecos, crassoque sub æthere natus.
Numen amat Doctum Medicū, Medicamina dextra:
Prudens quisque colit Medicum, querendo medelam.
Non locus hic monstris, Erebo vel sulphure di-
Quæ juvat interitū tantæ meditarier Arti. (gnis,
Zuvelferum constat felici sidere natum,
Naturâ Genitrice satum, qui fulgida Divum
Munera Divino produxit acumine mentis.
Hoc testatur opus, quod luminis aspicit auras,
Effugiens cineres, ac ære perennius omni.
Verius haud quicquam de Phœbi tripode dictū,
Armiger ille Jovis, pennis perniciibus auras
Sulcans, in libri formosâ fronte superbit.

*TE FERDINANDE, PATER PATRIÆ MITISSIME NOSTRÆ,
CÆSAREUM NUMEN, quod facta Insignia Magnum*

Fecerunt, quod fama Polis eterna locavit,
Te Patrem cognoscit opus, Summumq; Patronum,
Magna molis opus, sudore, labore paratum.
Singula sunt dextræ, prudenter tradita, doctæ,
Singula confirmat perspecta Peritia rerum,
Et Ratio, Medicæ firmissima fulcra cohortis.
Gestit Apollineæ prosapia tota catervæ.
Pharmacopœus ovat, Cimelia splendida nactus,
Cordivorus morbos, tristes pellentia curas
Devotis votis Bonitas Suprema roganda est,
Ut per *Zuvelferum* succrescat doctior orbis,
Ingenii monumenta sacri magmenta capessant!
Sic secura malis virtus invicta manebit,
Mordacem linguam, ronchos & sibila Momi,
Et Lethum & Lethen contemnet Nobile Verum!
Zuvelferi studium Sanctissima Gratia Cœli
Ditet, qua valido torques Sispera, Infera nutu!

POTEN.